

335/2
Luganda
Paper 2
July-Aug 2023
2½ Hours



PROVINCIAL - NAMIREMBE DIOCESE
COUHEIA SECONDARY
MOCK EXAMINATIONS 2023



UGANDA CERTIFICATE OF EDUCATION

LUGANDA 335/2

Paper 2

(okusoma bwino, ebyobuwangwa ne litulica)

Olupapula olwokubiri.

Essaawa bbiri n'ekitundu (2½)

Ebigobererwa:

- Olupappula luno lulimu ebitundu bisatu A,B ne C
- Ddamu ebibuuzo bitaano.
- Ddamu ebibuuzo byonna mu kitundu A ne B
- Mu kitundu C, ddamu ebibuuzo bisatu (3)-byokka nga ekimu kya bitontome.

Ekitundu A

Soma ekitundu ekikuwereddwa n’oluvanyuma oddemu ebibuuzo ku nkomerero yaakyo.

OKUYONSA KUYAMBA OKUGUMYA OLUBUTO NE LUTAYIIKAYIIKA.

Bya : RUTH NAZZIWA

NE OLIVE LWANGA.

Abakyala b’embuto abasing ekimu ku bye beeraliikirira nga bamaze okuzaala kwe kugejja olubuto n’omubiri okutwalira awamu. Era bangi bafunye omubiri oluvannyuma lw’okuzaala ne bayimbulukuka obutaddamu kukogga. Dr. Farouq Muyingo owa Mpigi Health Centre, agamba nti waliwo ebintu nnakawere by’asobola okukola n’asala ennyama gy’afuna ng’ali lubuto oba mu bwannakawere n’emirundi mingi kiva ku kulya n’omubiri okukyukakyuka mu mbeera.

Agamba nti, abakyala bamala galya buli kye basanze ekitali kituufu. Olina okulya mu ngeri ey’ekigero etereetera mubiri kufuna masavu gasusse. Okulya ebivaavava, naddala ebya kiragala kiyamba okukuzaamu omusaayi ate ne bisala amasavu amabi agabeera mu mubiri.

Okulya kaloti ziyamba ku maaso okutereera n’okulaba obulungi ate nga tezigezza mubiri, okwewala okulya ennyo buli ekikusala mu maaso, okunywa amazzi kuba gayamba okwoza obucaafu mu mubiri ate ne gakuuma olususu nga luweweevu era lulabika bulungi.

Okulya ebibala eby’enjawulo ng’emiyembe, amapaapaali, ennaanansi, wootamerooni n’ebirala kiyamba okukuzaamu amannyi n’okuzimba omubiri ate nga togezze nnyo. Dr. Wilson Mukasa annyonyola nti” bw’ozaala, omubiri gwo guba gwetaaga obudde okusobola okweddaabiriza era olina okudda ew’omusawo n’akwekebejja wakati wa wiiki mukaaga n’omunaana oluvanyuma lw’okuzaala okulaba nga toline buzibu.

Ate bw’oba oyonsa, olina okulindako okusala omubiri okutuusa ng’omwana amaze okuyonka kuba bw’opapa n’otandikirawo okusala omubiri nga wakazaala, kuyinza okuleetera omubiri gwo okukona n’otawona mangu n’okubulwa amanyi.

Mu bwannakawere, olina okulya obulungi naddala ebibala n’enva endiirwa okusobola okuzzaawo ebiriisa n’ebirungo ebyava mu mubiri ng’ozaala kikisobozese okufuna amanyi n’okuba omulamu obulungi.

(kisimbuddwa mu Bukedde Asiika obulamu olupapula olusooka June, 26,2014)

Ebibuuzo

- (a) Abantu ab'enjawulo babeera n'ebintu eby'enjawulo ebibeera bibeeralikiriza, abakyala ab'embuto kiki ekisinga okubeeralikiriza. **(obubonero 02)**
- (b) Bintu ki eby'enjawulo ng'osinziira ku mboozi eyo ebiyambako okuzimba omubiri ate nga tebigezza. **(obubonero 05)**
- (c) Bintu ki ebiyamba okuzaamu omukyala azadde omusaayi ate ne bisala n'amasavu. **(obubonero 04).**
- (d) Kiki ekireetera nnakawere omubiri gwe okukona n'obutafuna mangu mannyi. **(obubonero 03)**
- (e) Lwaki omubiri gwa nnakawere gwetaaga obudde? **(obubonero 02)**
- (f) Nnyonnyola amakulu g'ebigambo bino nga bwe byeyambisiddwa mu kitundu ky'asomye. **(obubonero 04)**
- (i) Bayimbulukuka
- (ii) Okweddaabiriza
- (iii) Okukona
- (iv) Luweweewu
- (g) Ku buli kibuuze (g,h,I ne j) kopolola eky'okuddamu ekisingako obutuufu.
Dr. Farouq Muyingo agamba nti okulya kalooti
- (i) Kiyamba okwoza obucaafu mu mubiri.
- (ii) Kuyamba amaaso okutereera.
- (iii) Okwewala amasavu amabi mu lubuto.
- (iv) Kuyamba okuziyiza omugejjo.
- (h) Mu bwannakawere, olini okulya obulungi
- (i). omubiri kigusobozese okuba omulamu obulungi.
- (ii) kuba omubiri gwo guba gwetaaga obudde okweddaabiriza.
- (iii) okwewala amasavu amabi mu lubuto
- (iv). Okusobola okuzaala obulungi.
- (i) Omukyala bwafuna olubuto atekako omubiri.
- (i). singa aba alya bulungi.
- (ii) Singa aba asula bulungi
- (iii) singa aba talina masavu na bucaafu mu mubiri.
- (iv). Singa aba yewala okulya ennyo.

(j) Abakyala b'embuto beeraliikirira nga bamaze okuzaala.

- (i) Okubulwa eby'okulya
- (ii) Okuyonsa ennyo abaana
- (iii) Okugejja olubuto n'omubiri.
- (iv) Okuvaamu omusaayi omungi.

Ekitundu B

Kola 2(a) ne 2(b)

2(a) Maliriza engero zino wammanga (obubonero 10)

- (i) Kyendikuwa olikwasaako ebiri
- (ii) Najjukiranga n'enseka
- (iii) agwa mu ntubiro.
- (iv) Ekiri ewala
- (v) siyamusikira
- (vi)etuusa mugenyi
- (vii) Nkumanyi muze
- (viii) Ndyebaza ndya
- (ix) teguba muka.
- (x) Mazzi masabe

(b) Nyonnyola amakulu g'engero zino ag'omunda.

- (i) Abangi bwe babakwebaza nga luweze.
- (ii) Gwe wali obbanga naye kwasula emiryango teweebaka.
- (iii) Tunnalaba yekojja wa bakodo.
- (iv) Mpande emu eyiwa kiseru.
- (v) Muddo gwa luyiira natalina mbuzi agwegomba.

Ekitundu C

Ddamu ebibuuzo bisatu (3) byokka ng'obiggya mu butabo obwenjawulo ng'akamu ku bwo ka bitontome. Toddamu bibuuzo bisukka mu kimu ku buli katabo.

RUTH.N.KABBOGOZA: Amaggwa n'emitego mu Bavubuka.

Ddamu nnamba 3a oba 3b.

3a. “munnage bw’oba tewakyalira nsiko onoolaba okudiba nga tonava ne mu kisenge. Mwana wange leka kutunula wansi nga nkugamba,Mbuulira.....”

- i) Ani ayogera ebigambo ebyo? Era yali abigamba ani? (obubonero 4)
- ii) Kiki ekyali kibaddewo era nga kigenda mu maaso okutuuka okwogera ebigambo ebyo? (obubonero 8)
- iii) Kiki ekyaddirira oluvannyuma lw’eyali ateggezebwa okugambibwa. (obubonero 6)
- iv) Ssuula ki omusimbuddwa ebigambo ebyogeddwa?. (obubonero 2)

OBA

Obulamu obuli mu katabo “amaggwa n’emitego mu bavubuka” bufaananira ddala n’obulamu obwa bulijjo. Nnyonnyola kino nga weesigama ku katabo ako. (obubonero 20)

WAALABYEKI MAGOBA: Mbayiwa Owabayizi.

Ddamu nnamba 4(a) oba 4b

4(a) “hajji Bulayimu ow’e Nabuziina ye yandeeze ng’azze okutunda sukaalindizi we.”

- (i) Ani ayogera ebigambo ebyo era abigamba ani? (obubonero 2)
- (ii) Suula ki omusimbuddwa ebigambo ebyo? (obubonero 2)
- (iii) Waliwo ebintu bingi ebitasanyusa agambibwa ebigambo ebyo byakola mu kitabo kino. Lambulula ebintu nguze omuti gumu gwaffe, ogumu gwa taata, akatambaala kano ka nnyabo era ne ssapatu zino za jjajja mukyala anti bambi luli navaayo ng’alinnya mu ttaka.....” (obubonero 16)

OBA

4 b. Nnyonnyola ensonga eziraga nti ebizibu ebisinga mu bulamu ffe tubyetusaako. Weesigame ku katabo kano okakase ekyo. (obubonero 20)

Ddamu 5a oba 5b.

+

NAKITTO PRISCA: “Nze Mbimaze.”

5(a) Abakyala batyobooledwa batya mu muzannyo “nze mbimaze”?(obubonero 20)

OBA

5. (b) Prisca Nakitto munnabyabuwangwa, kino akiraze atya ng'ayita mu muzannyo gwe. (obubonero 20)

Kola 6a oba 6b

6a SSALI DAMASCUS: OBUWOOMI BW'EKITONTOME.

Soma ekitontome kino n'oluvanyuma oddemu ebibuuzo ku nkomerero yaakyo.

OMUBUULO.

Natuukayo mu ggwango,
Ne nnyumirwa bya nsusso,
Ebyambalo byali omwo,
Ebyokunywa nga biri eyo.

Bwe twagguka mu kisaawe,
Watundirwa amandaazi,
Ne lukoya wamma ggwe,
Ne tugalya amangu ago.

Bwe wagiranga bwoti,
Kulengera nga ssaati,
Okwewulunta erudda,
Ow'empale ng'atuuse.
Ekyanyuma ne kisukka,
Bugologoosi enfaafa,
Nga bwazina bannange!
Nassanyuka nensukka.

Ebivuga eby'enjawulo,
Obisangayo mu mubuulo,
Amadinda n'engalabi,
Emirere n'embuutu.

Bayimbira eby'ettunzi,
N'owulira ng'osanyuse,
Baaniriza nnyo abaguzi,

Basala ne ku bbeeyi.

Abakazi ab'ebbeeyi,
Obukazi obwa layisi,
Agasajja ag'amaanyi,
Obusajja nkyoloolo.

Basuubula eby'amaguzi,
Basuubuza bannaabwe,
Oyitangako mu bubuulo,
N'ogulayo ku nkejje.

- (i) Nnyonnyola engeri ekitontome kino gye kisengekeddwamu (obubonero 6)
- (ii) Bukodyo ki omuwandiisi bw'akozeseza okufuula ekitontome kino ekinyuvu. (obubonero 8)
- (iii) Laga engeri omutontomi gy'azimbyemu amaloboozi. (obubonero 3)
- (iv) Nnyonnyola amakulu g'ebigambo bino nga bwe bikozezeddwa mu kitontome. (obubonero 2)
 - Omubuulo
 - Nkyoloolo

OBA

6b Nga weesigama ku bitontome ebyenjawulo mu “obuwoomi bw'ebitontome”.
Nnyonnyola bulungi emiramwa egiri mu bitontome ebyo. (obubonero 20)

7a Ebitontome ebiseneekerevu (Namaganda Alice)

ETTALE

Omuntu wakuno ansobera
Akuyiganya ozaawe
N'akusaawa n'akuzisa
Bw'amala ate n'adaaga

Mu buzibu anneeyuna
Mu nnaku mmukweka
Mu ssanyu anneeyuna
Olulala ennekuba
Olulala anneevuma

Ng'anazimba nze mmujuna
Bw'alwaza nze musawo
Ng'anaalunda nze kikolo
Ng'anaazannya nze kisaawe
Nze buddukiro

Maluma mugawona mutya we ssiri?
Bufumbo mubunyweza mutya we ssiri?
Amaka mugaganga mutya we ssiri?
Buggagga mubukuuma butya we ssiri?
N'olwekyo mundeke mbeewo.

Mikwano gyange nze ngisuza
Bawansolo nze mbakuuma
Bawannyonyi nze mbasuza
Abalambuzi nze mbayita
N'olwekyo mundeke mbeewo

Ebibuuzo

- (i) Nyonnyola obukodyo omuwandiisi bw'akozesezza okufuula ekitontome kino ekinyuvu (obubonero 6)
- (ii) Laga embeera ez'enjawulo omutontomi mwali (obubonero 4)
- (iii) Ngosinziira ku kitontome kino laga obukulu bw'omutontomi eri ensi (obubonero 7)
- (iv) Nyonnyola amakulu g'ebigambo bino nga bwe bikozezeddwa mu kitontome. (obubonero 3)
 - Mugaganga
 - Mmujuna
 - Ozaawe.

7b Nyonnyola ekifaananyi Namaganda Alice Janet ky'atusiigidde mu kitabo kye nga kiri ne mu bulamu obwabulijjo (obubonero 20).

BIKOMYE AWO